



Ekintzak sozial eta solidarioak

Bezeroekiko dugun hurbiltasuna da ehun sozialean eragiteko aukera ematen digun eta gu parte gareneko komunitateari gure balioaren zati bat ematea ahalbidetzen digun konpromisoetako bat.



Gizarte eta kultura sarean dugun eragina

Gure balioetako bat: bezeroekiko hurbiltasuna

Gure balioetako bat bezeroekiko hurbiltasuna da. Gure saltokietan -gehienak egoitza guneetan daudenak- oso tratu hurbila izaten dugu bezeroekin, eta ezaugarri horrek, gure ibilbidean zehar, gure jarduera egiten dugun tokiko gizarte sarearekin eta komunitatearekin loturak ezartzera eraman gaitu. Gure konpromisoetako bat da, eta aukera ematen digu, zuzenean, gizarte sarean eragiteko eta gu gauden komunitateari gure balioaren zati bat emateko.

Horrela, gure konpromisoa gizarte jardueretan parte hartzera bideratzen dugu, non kirola, jarduera fisikoak eta elikadura egokia bultzatzen diren. Eta, halaber, egoera ahulean eta gutxiengoan dauden edo elikadura

eskuratzeko zailtasunak dituzten kolektiboek laguntzea. Bestalde, kirol klubei eta kultura elkarteek lagunduz ere bultzatu dugu gizarte jarduera. Horrek guztiak eragina du kohesio sozial hobean eta kultura iraunkor eta osasungarri baten sustapenean, non kalitatezko elikadura funtsezko zutabea den.

Gauzatutako ekintzekin, 1. eta 3. garapen helburuak (GIH) bete ditugu, komunitatearen osasuna eta ongizatea hobetzen dutenak eta premia handieneko kolektiboen pobrezia arrakala murrizten laguntzen dutenak.

ERAGINA KOMUNITATEAN

3.256.000€

ELKARTEAK ETA
KOLEKTIBOAK

752.000€

FAMILIA UGARIAK

1.551.000€

ELKARTASUNA, KULTURA
ETA KIROLA

953.000€

ELIKAGAI BANKUAK

566T



Komunitateko elkarte sarea aktibatzen

Hainbat elkarterekin ditugun akordioen bidez eta erosketetan aurrezteko eskaintzen ditugun aukeren bidez

Gure ezarpen eremuetako zeliakoen elkarteak

Hainbat elkarterekin ditugun akordioen bidez izan ohi dugu eragina komunitatean, eta horiei beren jarduera gauzatzeko laguntzen diegu, eta, halaber, erakunde horietako bazkideei erosketetan aurrezteko aukera eskaintzen diegu.

Horrekin, kolektibo horiei laguntzeaz gain -ingurunearen gizarte eta antolaketa sarearen egonkortasunerako beharrezkoak ditugunak-, kalitatezko kontsumoa eta kolektibo horietako kide diren pertsonen eta familien ongizatea



sustatzen dugu, erosketetan abantailak baitituzte.

Hitzarmen horien artean, nabarmentzekoa da urteetan zehar, **gure ezarpen eremuetako zeliakoen elkarteekin** dugun harreman jarraitua. Elkarte horiei babesak ematen diegu, beren jardueraren garapenerako lagungarriak dituzten etekinen bidez.

Horrela, kolektibo horren onura bateratua, bizi kalitatean eta ongizatean eragiten dugu. Baina

azpimarragarriena da, akordio horren bidez, glutenarekiko intolerantzia duten gero eta pertsona gehiago babesten ditugula. Pertsona horiek elkarte horiei atxikita daude, eta gure supermerkatuetako erosketak guztietan deskontu berezi bat jaso dezakete.

Hitzarmenak gizarte kolektiboekin


Era berean, inguruan kirol eta kultura jarduerak egiten dituzten gizarte kolektiboekin beste akordio batzuk ditugu, hala nola Irungo

Santiagotarrak, Tafallako Peña Sport eta Castro Urdialeseko La Marinera.

Bezeroentzako abantailak

Atal honetan, era berean, **bezeroen abantaila programaren** bitartez, gure jarduerak eragina dauka inguruko beste enpresa batzuetan eta hango langileengan ere. Zehazki, honako hauekin gabilta lankidetzan: Jasokunde

Kooperatiba, Laguntasuna Kooperatiba, Volkswagen Nafarroa, Sociedad Vascongada de Publicaciones, Petronor, ITP Zamudio, Bridgestone, Bilboko Zubiarte Merkataritza Gunea eta DV harpidetza kluba.



Elikagaietan aurrezte

Familia ugariak, intolerantziak dituzten pertsonak eta elikadura osasungarria

Familia ugariak

Pertsonen bizi kalitatea hobetzeko lankidetzan aritzeak konpromisoa eskatzen du elikaduran gastu handia duten familiekin; adibidez, familia ugariekin eta glutenarekiko intolerantzia duten pertsonekin. Bi kasuetan, hamar urte baino gehiago dira **%5eko deskontu berezia** eskaintzen duen programa bat garatu genuela, kolektibo horiek supermerkatuetan egiten

dituzten erosketa guztietarako -eta horrek dakar erosketa saskian eta familia ekonomian asko aurrezte-. 2023an, deskontu programa honi atxikitako 16.969 familia ugarik guztira 1,5M€ aurrezte lortu zuten.

FAMILIA UGARI ONURADUNAK

16.969

DESKONTUA

%5

GUZTIRA AURREZTUTAKOA

1,5M€



Intolerantziak dituzten pertsonak

Bestalde, **glutenarekiko intolerantzia duten pertsonen** mesede egiten dien aurrezki programa Zeliakoen Elkarrekin lortutako akordioaren bidez gauzatzen da. Akordio hori indarrean dago BM Supermerkatuetan eta 3.143 pertsonak parte hartzen dute. Kasu honetan, gastu handiagoa duen sektore baten ekonomiari laguntzeaz gain -glutenarekiko intolerantzia duten pertsonentzako produktu espezifikoaren kontsumoagatik-, merkatuan bere neurriko produktu aukera lortzeko zailtasunak dituen kolektibo bati babesa ematen zaio; izan ere, gero eta aitopen handiagoa izan arren, produktu aukerak beste erreferentzia

batzuenak baino txikiagoa izaten jarraitzen baitu.

%5eko deskontua aplikatzen zaie euren erosketa guztiei, eta, beraz, beste produktu batzuk ere deskontuarekin kontsumi ditzakete -adibidez, frutak eta barazkiak, glutenik gabeko produktu espezifikoak ez izan arren, elikaduraren oinarria baitira-.

GLUTENAREKIKO INTOLERANTZIA
DUTEN PERTSONA ONURADUNA
3.143

DESKONTUA
%5

Uvesco osasuntsua; mesede egiten dizuten elikagaiak

Bezeroek hautatzeko duten gaitasunari eusteko eta herritarren premiekin bat datorren aukera bat izateko konpromisoaren esparruan, gure saltokietan **elikadura osasungarrira** bideratutako gune bat dago, eta bertan markak eta produktu bereziak biltzen dira, hainbat intolerantzia mota dituzten pertsonentzat eta kolektibo minoritarioen elikaduraren osagarri. Hala, glutenik gabeko produktu espezifikoaren berrehun erreferentzia baino gehiago ditugu (galletak, magdalenak, ogia, pizzarako oinarriak, edariak...), baina osasuna eta elikadura zaintzen duten eta bezeroei zuzendutako beste bioproduktu batzuk ere baditugu, eta ez nahitaez intolerantziaren batekin lotutakoak.

Era berean, gero eta marka gehiagok adierazten dute beren artikuluak "glutenik gabekoak" direla. Jaki horiek saltokietako beste gune batzuetan egon ohi dira; beraz, kontsumitzaile guztiek produktuen osagaiei buruzko ahalik eta informazio gehien izateko helburua betetzen da. Gainera, produktu freskoarekin batera, intolerantziak dituzten pertsonen aukera handiagoa eta hobea dute beren beharretara egokitutako elikagaiak eskuratzeko.



Ekintza solidarioak

629T eman dizkiogu Elikagai Bankuari

Elikagai Bankuari egunero emandako produktuak

Elikagai Bankuekin dugun lankidetzaz berez hartu dugun konpromisoa da, eta hamar urte baino gehiago daramatzagu buru-belarri bi garapen helburu handi betetzeko asmoz.

Alde batetik, elikagaiak eskuratzeko zailtasunak dituzten kolektiboak laguntzen diegu, eta hori funtsezko erantzukizuna da, gaur egun saihestezina, elikagaien sektorearentzat. Lankidetzaz horren bidez, egunero produktu bolumen handia bideratzen dugu, inolako interesik gabe, eta, hala, Gipuzkoako elikagai emaile nagusietako bat gara -bi planta logistiko daude bertan-, eta urtez urte handitzen ari da, gainera.

Eta, beste alde batetik, konpromiso hori funtsezko jarduera da iraunkortasunari eta ekonomia zirkularrari dagokienez. Batetik, eragina du bazterketa arriskuan dauden kolektiboak elikaduraren hobekuntzan, eta, bestetik, eragina du taldeak elikagaiak alferrik galtzeko joera murrizteko duen helburuan. Hori posible da Uvescok hondakinak kudeatzeko daukan sistemari esker. Zeharkako sistema horrek logistika arlotik hasi eta dendako langileenganaino eragiten du, eta aukera

ematen du kontsumo baldintza ezin hobeetan egonagatik salgai ez dauden elikagai produktuak berreskuratzeko, eta Elikagai Bankuetara bideratzeko, egoera zaurgarrian dauden familien oinarrizko beharrak asetze aldera.

2023an, gure Super Amara saltokietan egindako "Último minuto" programak Gipuzkoako Foru Aldundiaren eta Elikagai Bankuaren aitortzea jaso du, Elikagaiak Alferrik Galtzearen aurkako Europako Astearen esparruan. Eta hala izan da bi helburu iraunkor betetzen dituen ekimena delako: behar handiena dutenei laguntzea -zehazki, 20.000 familiari baino gehiagori-, eta elikagaiak alferrik galtzeko joera murriztea, iraungipen programa kudeatuta. Hirugarren aldia da Gipuzkoako Foru Aldundiak Uvesco Taldea hautatzen duena; 2022an, programa beragatik jaso zuen aitortza, eta 2019an, produktu galkorra dohaintzetan sartzegatik -produktu galkorren aprobetxamendua zein dohaintzen bolumena handituta-



Bestalde, urterik urte, Elikagai Bankuek antolatzen dituzten kanpainetan ere parte hartzen dugu, eremu guztietako gure supermerkatuetan horretarako espazioak lagata, eta, hala, kolektibo horri ematen diogun laguntza indartzen dugu. Horietan, kontsumitzaileek dohaintza ekonomikoak eta produktu ekarpenak egiten dituzte.

Kanpaina hauetan, dendetako espazioa lagatzen dugu, bilketaren logistikaren berri ematen dugu, eta, gainera, bezeroen ekarpenen %7ko ekarpena egiteko konpromisoa dugu.

Guztira, 2023ko maiatza eta azaroko kanpainetan, 590.170 euro eta 423 tona jaso

ditugu, herritarrek emanda, eta horiek Elikagai Bankuen beharrei erantzuteko erabili ditugu.

2023an elikagaien bankuei egindako ekarpenen guztizko batura (eguneroko ekarpenak + kanpainetako ekarpenen %7) 629 tonakoa da.

MAIATZEKO KANPAINA
212.343€ bonuetan + 180.831 kg

%7KO UVESCO DOHAINTZA
14.864€ + 12.658 kg

AZAROKO KANPAINA
377.827€ bonuetan + 242.978 kg

%7KO UVESCO DOHAINTZA
26.447€ + 17.008 kg



Sentsibilizazio eta laguntza lana egiten dugu, eta, hala, handitu egin ditugu elikagai bankuei egiten dizkiegun ekarpenak, partikularrek eta

pertsona anonimoek egiten dituzten dohaintzen bitartez -dohaintza ekonomikoak edo produktu moduan egindakoak-.

EGUNEROKO DOHANTZAK ELIKAGAIEN BANKUARI + Elikagaien Bilketa Handiaren %7

2020. URTEA
307T

2021. URTEA
390T

2022. URTEA
566T

2023. URTEA
629 tona



Gizarte eta kultura jarduerak

Behar handiena duten kolektiboekiko elkartasuna, emakumearen parte hartzea zein garapena eta herritarren ongizatea hobetzea, ohitura osasungarriak sustatuta

Uvesco Taldearen Gizarte Erantzukizuneko Planak eskatzen du gure inguruko jarduera sozial eta kulturalen garapenarekin konprometituta egotea, eta hori egin ahal izan dugu berriro, pandemia urteetan izandako geldialdiaren ondoren, behar handiena duten

kolektiboekiko elkartasuna, emakumearen parte hartzea zein garapena eta herritarren ongizatea hobetzea bultzatzeko konpromisoa hartu baitugu, betiere ohitura osasungarriak sustatuta.

AECC-Minbiziaren aurkako Elkartearekin egindako elkarlana


2023an egindako jardueren artean, bat da nabarmentzekoa, ongizatean eta osasunean duen eraginagatik: AECC-Minbiziaren aurkako Elkartearekin egindako elkarlana, hainbat kanpainatan lagundu baitiogu. Adibidez, sentsibilizazioan, BM Supermerkatuetako establezimenduen bidez, Azaleko Minbiziaren

aurkako Nazioarteko Eguna eta Bularreko Minbiziaren Nazioarteko Eguna direla-eta kanpainak eginez, non 3.000 euroko dohaintza egin genion AECCri, kaltetutako familien bizi kalitatea hobetzeko.

Hipertentsioaren Mundu Eguna

Aurten ere, Hipertentsioaren Mundu Egunean parte hartu dugu (maiatzaren 17a), Erizaintza Elkargo jakin batzuekin lankidetzan, eta prebentzio eta informaziorako stand bat izan dugu, lanean dihardugun probintzia guztietan Garapen Iraunkorreko Helburuetako baten ildotik doan konpromisoa da; hots, 3. GIH

Osasunaren eta Ongizatearen alde egitekoaren ildotik. Elikadurarekin eta ohitura osasungarrien bidez hobetu daitekeen gaitz bat prebenitzen laguntzea da asmoa.



Tronbosiaren prebentzioa eta dibulgazioa, Activa'TT elkartearekin

Era berean, prebentzio eta dibulgazio programa bat jarri dugu abian, Activa'TT elkartearekin, tronbosiari buruz kontzientziatzeko. Esparru horretan, dohaintzak erakartzeko kanpaina bat egin zen dendan, bezeroentzat. Gainera, 9.000 euroko dohaintza egin zen, elkartearentzat, gaixotasun horren gaineko prestakuntza, sustapen eta ikerketako programetarako. Hirugarrenik, Taldeko langileei

zuzendutako jardunaldi bat egin zen, eta, bertan, test mediko bat egin zitzaien, tronbosiari aurrea hartzeko diagnostiko eta jarraibideekin.

Gluzemia neurtzeko programa

Azkenik, 2023an, proba pilotu bat abiarazi zen, **Glucovibes** start up-aren eskutik,

kontsumitzaileen osasuna hobetzeko, gluzemia neurtzeko programa baten bidez.

Gabonetako Super Amara Kontzertu Solidarioa

Laguntza solidarioa zabaldu egin zen, eta gure inguruan garrantzitsuak diren beste erakunde eta talde kulturaleri lagundu genien, horrela eragin bikoitza lortuta: kultura eta hezkuntza musikalari eustea, eta egoera ahulean edo gizartean baztertuta bizitzeko arriskuan dauden kolektiboek laguntzea. 2023an,

Gabonetako Super Amara Kontzertu Solidarioa antolatu dugu Los Secretos taldearekin, Donostiako Kursaaan, LAGAElen mesedetan (Adikzioak, abusu arazoak eta adikzio emozionalak pairatzen dituzten emakumeei laguntzeko elkarrekin).

Beste kultura eta gizarte jarduera batzuk

Kultura eta gizarte arloko beste jarduera askotan parte hartu dugu, eta han izan gara, ekitaldiak egiteko materiala edo produktuak ematen.

Taula honetan agertzen dira Taldeak 2023ko ekitaldian parte hartu duen ekitaldiak eta herriak zerrendatuta:


UVESCOK PARTE HARTU DUEN EKITALDIAK ETA HERRIAK 2023

400 KILO HIGIENE PRODUKTUREN DOHAINTZA DONOSTIAKO CARITAS-ENTZAT	DONOSTIA
ASTE NAGUSIKO MARMITAKO ETA PAELLA LEHIAKETA	DONOSTIA
BILBOKO KONPARTSAK ASTE NAGUSIA	BILBO
DONOSTIA FESTAK - ASTE NAGUSIA PUZGARRIAK KATALUNIA PLAZAN	DONOSTIA
DONOSTIA FESTAK - KONTXAKO BANDERA	DONOSTIA
SAN FERMIN JAIK - PUZGARRIA	IRUÑEA
SAN SEBASTIAN DE LOS REYES JAIK	MADRIL
HOYO DE MANZANARES JAIK	MADRIL
LAGUNDUK PUZGARRIAK	DONOSTIA
GAUTENAREN ALDEKO MARTXA SOLIDARIOA (GIPUZKOAKO AUTISMO ELKARTEA)	DONOSTIA
DRAVET SINDROMEA PROIEKTUA - GERO AXULAR DANTZA TALDEA	DONOSTIA
ELIKAGAIEN BANKUAREKIN LANKIDETZAN ARITZEA, "EGUBERRI HAJETAN OPARITU ELKARTASUNA" LIBURU SOLIDARIOA SALDUZ	DONOSTIA
"ASPREHREN XIV. JARDUNALDIAK" - IKUSMEN DESGAITASUNA DUTEN PERTSONEN ERREHABILITAZIOAKO PROFESIOALEN ELKARTEA	DONOSTIA
ASTE NAGUSIKO ARKUME MENESTRA LEHIAKETA/LEGATZA SALTSA BERDEAN LEHIAKETA	DONOSTIA
MUSIKASTE JAIALDIA - EUSKAL MUSIKAREN ASTEA	ERRETERIA



POLTSEN SALMENTA SOLIDARIOA, "JUNEREN HEGOA"-RENTZA	ERRETERIA
IKERTZE-CECADI PROIEKTUA DIBERTSITATE FUNTZIONALA DUTEN PERTSONENTZAKO IKUS-ENTZUNEZKO GAIKUNTZA IKASTAROAK	DONOSTIA
ERRETINOSI PIGMENTARIOAREN NAZIOARTEKO EGUNA "BEGISARE, RETINOSIS GIPUZKOA"	DONOSTIA
MUSIKA DOKUMENTALEN JAIALDIA - DOCK OF THE BAY	DONOSTIA
GABONETAKO JAIOTZA, GIPUZKOA PLAZAN	DONOSTIA
FENOMENA JAIALDIA	HONDARRIBIA
"CHEFA EGUN BATEZ" - SS GASTRONOMIKA	DONOSTIA
ASPANOGI LASTERKETA SOLIDARIOAN PARTE HARTZEA (GIPUZKOAKO HAUR MINBIZIDUNEN FAMILIEN ELKARTEA)	DONOSTIA
ADEMGI - ESKLEROSI ANIZKOITZAREN GIPUZKOAKO ELKARTEAREKIKO LANKIDETZA	DONOSTIA
LANKIDETZA ASpace EGUNAREKIN	DONOSTIA





Babesletzak eta kirol klubak

Hainbat klub eta elkarterekin hitzarmenak

Bizimodu osasungarriak ezinbestean behar du bizitza aktiboa izatea eta ariketa fisikoa egitea. Horregatik, kirola sustatzen duten taldeak lehentasunezko lankidetzat ardatzat dira Uvesco Taldearentzat, zeinak hitzarmenak dituen inguruko klub eta elkarte ugariarekin. Hitzarmen horiei esker, **indartu egiten dugu bizimodu osasungarriaren balioak sustatzen dituzten, eta, gainera, gizarte kohesioa, errespetua eta berdintasuna sortzen duten jarduerekin dugun konpromisoa.** Gizartearen alderdi

guztietan parte hartu dugu eta, beraz, zuzeneko eragina daukagu bizi kalitatearen hobekuntzan. Horrela osatzen da herritarren ingurunean eta bizitza sozialean daukagun eragina.

Uvesco Taldeak lankidetzat aktiboan dihardu hainbat kirol klubekin:

Kirol klubak

Real Sociedad de Futbol
Real Union Club de Irun
ACT Eusko Label liga
Hondarribia Arraun Elkarte
Emakumeen BM Bilbo Santutxu
Isuntza Arraun Elkarte
Eibar Kirol Elkarte
Athletic Club
Deportivo Alaves
Bidasoa Eskubaloi Kirol Kluba
Txirrindularitzako Euskadi Fundazioa
Super Amara BAT
Super Amara Bera Bera

Realzale programa

Realaren "Realzale" programan parte hartu dugu, eta 2023an 6.000 bezerok lortu dituzte onurak.

Kirola eta ohitura osasungarriak

Herritarren parte hartzea duten jarduerak, komunitatearen bizi kalitatea eta ohitura osasungarriak hobetzen eragina dutenak

Herritarren parte hartzea duten beste jarduera batzuetan esku hartu dugu eta komunitatearen bizi kalitatea eta ohitura osasungarriak hobetzen eragina dutenak.

Klubekin egindako akordioez gain, 2023an, herritarren parte hartzea duten beste jarduera batzuetan esku hartu dugu eta komunitatearen bizi kalitatea eta ohitura osasungarriak hobetzen eragina dutenak.

Esku hartze hori, oro har, oinezkoen lasterketetan eta tokiko kirol ekitaldietan dago oinarrituta -bereziki, emakumeen edo haurren parte hartzea bultzatzen dutenak edo helburu solidarioak sustatzen dituztenak-.


Jarduera horietan, hornidura poltsak ematen ditugu parte hartzaileentzat (barratxo energetikoak, ura, frutak...), puzgarriak eta helmugako arkuak jartzen ditugu, eta ekitaldietarako materiala ekoizten dugu (elastikoak, biserak...).

2023an, 100.000 anoa poltsa banatu ziren.

2023KO HORNIDURA POLTSAK
100.000

Taula honetan agertzen dira, laburtuta, Taldeak babestutako kirol ekitaldietako batzuk:





UVESCOK BABESTUTAKO KIROL EKITALDIETAKO BATZUK 2023

LILATOIA - EMAKUMEEN MARTXA (5 KM)	DONOSTIA
BIZIPATINAK	DONOSTIA
INES DE PABLO FUTBOL TXAPELKETA	IRUÑEA
EUROPAKO MENDIETAKO TRAILA	POTES (KANTABRIA)
HAURRENTZAKO FUTBOL CAMPUSA	MAJADAHONDA, EIBAR, ATHLETIC CLUB BILBAO
NIGHT MARATOIA	BILBO
"IPARRA VS HEGOA" LASTERKETA	MADRIL
ERDI MARATOIA	DONOSTIA, GASTEIZ
SALTO KLASIKOA	DONOSTIA
SANTURTZI-BILBO LASTERKETA	SANTURTZI
BILBO-ARENAS LASTERKETA	BILBO
ZALEEN DERBIA	MADRIL
EHU LASTERKETA	DONOSTIA
SAN SILVESTRE	HONDARRIBIA, DONOSTIA, LAS ROZAS, TORRELODONES, BILBO GALDAKAO, ERRETERIA
FORTUNA (MAHAI TENISA)	DONOSTIA
LENGOKOAK FUTBOL TALDEA	DONOSTIA
DONOSTIAKO MARATOIA	DONOSTIA
FIBROSI KISTIKOAREN ALDEKO GOLF TXAPELKETA ANDOAIN	
KASKABILOEN LASTERKETA GIZARTE INKLUSIBO BATEN ALDE, ONCE-REKIN	DONOSTIA
BIZIKLETADA, MUGIKORTASUNAREN EUROPAKO ASTEA	DONOSTIA
MINBIZIAREN AURKAKO LASTERKETA	DONOSTIA
"BURDUNTZALDEAKO IBILBIDEEN EGUNA"	LASARTE-ORIA
GIMNASIA ERRITMIKOKO IZAR LEKU TXAPELKETA	DONOSTIA

